

Guangjisi Minzcu Bau

ganhhau: CN45-0036 B.2015 Nd.7 Ng.29 liggaeuq ietfeih nienz ndwenloeg cibsei

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3184期

Denzlinz Yen Ok Sam Aen Banhfap Henhoh Nem Swnjcienz Heiqucuengh

田林县出“三招”保护和传承北路壮剧

Gaenh bi daeuj, Denzlinz Yen ok banhfap gig miz yungh, haenq-rengz guh ndei hong doidoengh ndawbiengz henhoh nem swnjcienz vwnzva Heiqucuengh dangdieg (lauxhangz heuhguh Heiqucuengh baihbaek).

It dwg son'gyauq lwgnyez, dawz vwnzva Heiqucuengh yinxhaeuj goqdangz cunghyoz、siujyoz. Aen yienh neix lai fuengmienh haeuj-laeg guh hong dawz feihvuzciz vwnzva yizcanj yinxhaeuj hagdangz, dawz vwnzva Heiqucuengh yinxhaeuj goqdangz, cingj bang lauxhangz Heiqucuengh haeuj hagdangz son-gyauq hagseng. Dangqnaj, aen yienh neix Lozlij Cin Cungsim Yau、Lucwngz Yauzcuwz Yangh Cungsim Yau、Denzlinz Gaugaep Cunghyoz daengj hagdangz hai ban son'gyauq

Heiqucuengh, guh ndaej haemq hoengh.

Ngeih dwg roengzrengz coengh lajmbanj hwngfat Heiqucuengh, bangfuz ndawbiengz doenghgiy duenz Heiqucuengh yezyiz ndaej hwngfat bienq ak. Dangqnaj, daengx yienh laeb miz yanghein cunghab vwnzvacan 14 aen, daizheiq minzcuz 60 lai aen, haemq ndei dwk hawj doenghgiy duenz Heiqucuengh yezyiz miz gizdieg lienh nem yienj cezmu. Linghvaih, aen yienh neix lij haeujcoengh nem dazyinx gak aen duenz Heiqucuengh yezyiz liebcunz doxgyau yienjok. Daj bi 2007 daeuj, Denzlinz Yenveij、Yienh Cwngfuj gonqlaeng cujiz gawjbanh 9 baez Heiqucuengh baijyienj gveihmoz gig hung, dandan 2015 nienz Ciet-heiqucuengh “Haeujgamj”, daengx

yienh couh miz 78 aen heiquduenz camgya. Dangqnaj, daengx yienh gij duenz Heiqucuengh yezyiz de hwngfat daengz 90 lai aen, yezyiz yenjyenz 3500 lai vunz.

Sam dwg haenqrengz ok saw, roengzrengz vatgud cingjeix vwnzva Heiqucuengh. Gaenh bi daeuj, aen yienh neix cujiz haujlai vunz、doenghyienh nem roengz cienzngaenz vatgud vwnzva Heiqucuengh, biensij le saw 《Sawson Heiqucuengh Baihbaek Gvangsiah》《Cezmuz Maenhndei Heiqucuengh Baihbaek》《Saw Comz Heiqucuengh Cungguek》(gienj Denzlinz gwnz、gyang、laj) daengj. Neix comz ndei swhliu hawj vunz daihlaeng engq ndei yenzgiu hagsib vwnzva Heiqucuengh.

(Banh Sauginh/潘少君)

Yungzsuij: Dayozswngn Daeuj Mbanj Coengh Son- gyauq Hawj Lwgnyez Myauzcuz Gvaq Ndae Angq



融水:大学生支教 让苗乡儿童乐开怀

7 nyied 22 hauh, Hoznanz Anhyangz Swhfan Yozyen cib lai boux lauxsae nem hagseng daengz Yungzsuij Myauzcuz Swciyen Bwzyinz Yangh Gunghhoz Myauzcuz bang-coengh son'gyauq, gungh guh 20 ngoenz. Gyoengqde mienxfei son gyoengq nyz Myauzcuz hag suhfaz、meijsuz、yinhyoz daengj, caeuq gyoengqnyez Myauzcuz guhcaemz, daengz ranz fujdauj hag saw, soengq huqlaex hawj gyoengqnyez Myauzcuz louzmbanj, hawj gyoengqde aen sujgyaj neix gvaq ndaej angq. Ndaw doz dwg boux dayozswngn ndeu cingq son nyz Myauzcuz ciengqgo.

(Liu Swjyenh/廖子渊 ingi)

Lozcwngz: Aen Cwngcwz Gyauyuz Hawj Vunzlai Souh'ik Hawj Hagseng Saujsu Minzcuz Onjsim Haeujhag

罗城:教育惠民资助少数民族学生安心入学

2014 nienz, Lozcwngz Mulauj-cuz Swciyen gungh fat 49.6 fanh cienzngaenz bangbouj lwgnyez haeuj youwzyenz; fat 1149.12 fanh maenz hawj yivu gyauyuz yozyau bangbouj doenghboux hagseng gungzhoj ninz yozyau, hawj 9850 boux cungh siuj hagseng

souh'ik; fat 1513.14 fanh cienzngaenz gaijndei yingzyangj hawj hagseng ndaw yivu gyauyuz yozyau, hawj 25587 boux siujhagseng souh'ik; fat 436.57 fanh cienzngaenz bangbouj hawj bujdungh gauhcungh hagseng ndaej mienx gyau ngaenzzag, 4736 boux hag-

seng souh'ik; fat 58.55 fanh cienzngaenz bangbouj daihagseng swngghoz nem cienznaenghci, 1008 boux hagseng souh'ik. Aen yienh neix dawz gak hangh gyauyuz cwngcwz hawj vunzlai souh'ik de saedhengz daengz cien hoh fanh ranz.

(Se Sinhangz)

SIUSIK DINJ

简讯

● Vihliux hawj doenghboux siuj-cujcangj mbanj saujsu minzcuz daez-sang gij yisiz nem naengzlig fuzvu vunzlai, caenh'itboux cukmaenh giek-daej gihcwngz, geij ngoenz gonq, Lungzswng Gak Cuz Swciyen comz daengx yienh 1753 boux siujcujcangj mbanj saujsu minzcuz, hidungj dwk beizyin mizgven yezvu.

(Vangz Yungifeih)

● Geij ngoenz gonq, Cungguek lauxhangz mbawcaz guh gohgi roengz mbanj hozdung, gyoengqde daengz Sanhgyangh Duncuz Swciyen Baz-gyangh Cin Buyangh Cunh ndaw suencaz Byasien, caeuq bouxndaemcaz doxgyau, roengz cienz rengz doidoengh dieg Duncuz canjyez mbawcaz ndaej lai saedyienh gohgiva、gihgaiva nem yendaiva. Aen yienh neix seizneix miz suencaz 15.3 fanh moux; bineix 1 daengz 6 nyied aen yienh neix cazsauj canjlieng 6800 lai dun, canjeiz 6.8 ik maenz.

(Bangz Gwzbingz Vuz Lenyinh)

● Bi'gvaq 6 nyied, Dava Yauzcuz Swciyen hainduj youq Luzyej Yangh guh fuzbinz haifat “daengx yangh doihaeuj”, dajsuenq comz 2.07 ik maenz, daengx yangh doihaeuj canjyez haifat、senj dieg fuzbinz、gihcu j sezsiah gensez、gaijguh yienghsienq lajmbanj、minzswngn baujcan gensez daengj hanghmoeg, gyalai ok banhfap hawj vunzlai baenzfouq. Daengz bineix 5 nyied daej, gaeng guh sat roengzcienz 8100 fanh maenz.

(Veiz Bungzyen Veiz Cez)

● Daengz 5 nyied duenh gyang, Fuconh Yauzcuz Swciyen gaeng anbaiz ndei cunh(mbanj) 308 aen, cingq ndaem faexrum nem ndaem sat gungh 295 aen, doenghboux gihgvanh ganbu cizgungh camgya “cunh(mbanj)” cienhangh hozdung de gungh 856 vunz-baez.

(Cinz Yengiz Liu Cwngzlieng)

● Daengz 6 nyied daej, Bingzgoj Yen fat cienzngaenz youq haggeiz seizcou bangbouj saedceij hawj hagseng Yauzcuz, gvendaengz 29 aen cungh siuj yozyau 1849 vunz, moix boux moix haggeiz 500 maenz, baez neix gungh fat cienzngaenz bangbouj 92.45 fanh maenz.

(Vuz Anhginh)